

Abschrifft

Einer Erinnerung / so  
die Alte Königin in Frankreich kurz  
für ihrem absterben an Königliche  
Mayestet gethan.



Auf dem Frankösischen in unsrer Zeit,  
sprach ewlich ubergesetz.

1589.

## Abschrifte

### Einer erinnerung so die Alte Königin in Frankreich kurz vor ihrem absterben an den König gehabt hat.

**G**edigster Herr König / wenn wir den Standt dieses Königreichs recht wol betrachten/ vnd die vraruhe vnd vnordnung/ so heutiges tages in Frankreich im schwanck gehen / so haben wir grosse vnd gnugsame ursachen zu scuffzen vnd zu weissen/ auch zuglauben / das Gott hochlichen gegen uns in Zorn entbrenet sey : müssen darneben frey bekennen/ er habe vns billich vnd mit gutem fügen gestrafft / die wir vns selberst in solchen unvorderbringlichen jammer vnd nothe gestecket haben / in dem wir den Frieden übergeben vnd fahren lassen / vnd den Krieg an die hand genommen/ darauf vns doch nicht als gensliches verterben vnd unvergang entstanden / ohngeachtet vnd hindan gesetzt alle warnungen vnd erinnerung / oder vil mehr weissagungen alles des senigen so vns begegnet ist/ welche warnunge durch den König von Navarren vnd andere Fürsten des Geblüts an vns zelhan worden: vnd vil lieber wollen dem Hause von Bayen gehöre geben / welche doch nur allein dahin trachten / wie sie shren Ehrgeiz erfülligen möchten vnd nichts höhers begerent als das sie die senige abschündern vnd entstremden könnten / die doch sonst am nechsten bey E. Mayestet sich verhalten solten/ damit auf solche weise sie desto komlicher shren fürhabenden bösen willen ein endschaffe erreichen / mit dem / das sie die Rezey gischolten haben : vnd unter diesem Nammen der Rezerey haben wir wider sie zun waffen gegriffen / vermeintende die einige Catholische Apostolische Römische Kirche in Frankreich zubestettigen / vnd die fürgewendte vermeint reformierte Religion aufzuführen.

A ij Vnd



Vnd dieses ist das färnemste Kunststück vnd beschönigung  
des schandlichen fürhabens deren von Guysen gewesen / wie  
wir das ganz augenthinlich in unserm beysein geschen haben:  
Da sie vns solcher massen verachtet vnd ring geschezt / das sie  
allein alles für sich seit st thun wölfen/darinne wir ihnen dann  
zivil nachgelassen vnd erlaubt haben: ja sie haben vns vor jenders  
meniglichen solcher massen verwnglimpfzet / das der gemeine  
Pöf el gleichsam ein abschewen ab vns hat/in dem er vnserer vn-  
schuld vnd guten gegen ihm geneigten willens nicht berichtet/  
an dem grossen gewalt vnd ansehen des verleibten Herzogen  
von Guysen vnd seiner mithafften sich vergaffet/vnd jres theils  
also hierinnen verblendet ist / wie auch wir hievor waren.

Bin doch bester hoffnung / Gott werde ihnen die warheit  
endlichen zuerkennen geben / vnd wenn sie dieslige erkant: wer-  
den sie wie rechten vnd getrewen Franzosen gebürt wider vmb-  
wenden vnd gnade begeren / mit erkantnisse ihres fehlers den sie  
begangen / in dem sie sich Rebellisch vnd außfrührisch gehalten:  
Welches doch nicht aus eianem ihrem willen beschehen ist/ son-  
dern sic sind von obgedachte in verleibtem dem von Guysen vñ  
seinem anhang darzu bereit vnd gezwungen worden: vnd da sie  
in den Scteten ergriffen worden / vnd nit widerstehen kondten/  
haben sie ihm nicht besser zuhun gewußt / denn sich unter ihren  
schütz in gehorsame zuergeben.

Gnediger Herr/demnach ich sehe / was grosser vnrühe / ver-  
druf vnd mühe euch allbereit überfallen : ich aber von ewern ge-  
treuen redlichen Franzosen mich entfreindet gespure / vnd ans-  
ders theils mit R:ankheit überfallen vnd behaffet bin/ da ich  
denn nun nichts mehr gewärtig bin als der stund/in deren Gott  
gesellig sei mich abzufordern / vnd sein Gotlichen willen mit  
mir zuverbringen/So wolt ich Gnediger Herr/ (wa E. Kön.  
Mayest. gefellig / mich in diesen meinem ratsch bedencken anzus-  
hören vnd zuvernemmen/ vnd das für das letzte mahl/damit ich  
mich

mich de sto besser entdecken vnd entschlagen / vnd meine Seele  
zu Gott richen könne/wenn ich aller weltlichen sorge entladen)  
für das erste/Bedencket mich gut vnd tußlich sein/das der Kös-  
nig von Nauarren nahe bey euch were / mit sampt den andern  
Fürsten des Geblüts / vnd andern mehr Herren gebornen  
Franzosen / welche ihr zu jeder zeit getrew erkannt vnd erfahren  
habt / was ihr ja für Krieg wider sie für genommen/wegen ihres  
Religions vbung. Darinn sie denn gethon haben wie ein ge-  
treuer Hund / welcher unter allen vnvernünftigen thieren für  
das aller getreweste gehalten wirdt : wie wir denn sehen / das die-  
selben von den gröften vnd mechtigsten Potentaten der welt lieb  
vnd hoch gehalten / vnd bey ihnen erzogen werden/wegen der lieb-  
be vnd trew so sie zu ihren Herren tragen / ohnangesehen das sie  
oftt von denselben vbel geschlagen werden. Denn also haben  
ih: n ewere redliche vnd getrewe Franzosen gethon : was für  
Krieg ihr auch wider sie fürgenommen/ haben sie in allweg ge-  
than wie der obgedachte Hund. Sie haben sich immer für E.  
May. ernidriget/ vnd auch ihren zu dienst ihr leben demütiglich  
angebotten.

Da habt ihr wol vrsach Gnädigster Herr/ solche Sachen zuer-  
wegen/ als deren ihr zu erhaltung einer sicherheit hoch bedorffet:  
vnd dieweil ihr nechst Gott sonst nirgent kein sicherheit habt als  
eben an ihnen. Wir haben in allen entpörungen in Frank-  
reich ihre fürsichtigkeit vnd weisheit gesehen / wiemol sie gerin-  
ges vnd schlechtes vermögens. So können wir auch dieses von  
ihnen sagen/ das ihnen Gott mercklichen beystanden vnd ge-  
holffen habe. zwar nicht / sage ich / von wegen ihrer Religion/  
sondern von wegen der trew vnd außfruchtigkeit / so sie jederzeit  
gegen diese Kron getragen/ ohnangesehen alle bekümmernüssen/  
so wir ihnen durch Krieg bis auff den heutigen tag zugesügt  
haben.

Es wolle E. Majest. Gnedigstes gesallen sein / so ich deren  
fürhalte die Bürgerliche innerliche Krieg so in teutschlanden  
sich zugezogen / von wrgen eben dieser Religion / welche sie die  
reformierte nennen. Solche Kriege haben auch nicht können  
abgestellt werden / den vermittelst eines Friedens / inn dem man  
die vnderthanen lasset frey ohne einigen zwang des gewissens in  
jhrer reformierten Religions vbung leben / neben der Catholis-  
chen / Apostolischen Römischen Kirchen / vnd erhele eine  
die andere in guter ruhe vnd Frieden: vnd haben sie durch solche  
mittel jhrer Herrschafften für endlichem versterben vnd unter-  
gang bewahret / leben in Frieden / mit guter gehorsamie der vnder-  
thanen. Dermassen das kaum ein so geringes Regiment unter  
ihnen ist / welches nicht einem kleinen Königreich zuvergleichen  
ske. Solches mittel müsst jhr auch / gnedigster Herr / zuhan-  
den nemmen / wo jhr ewer Königreich vnd desselbigen stande in  
Frieden vnd ruhe wider sezen wolt. Welches wo es were gehal-  
ten worden seide der ersten vnruhe her / nach inhalt der ersten  
Friedendicts / so stände Frankreich besser als es sezunder thut:  
Hette man beide Religion in gutem Frieden vnd einigkeit erhalten /  
mit sampt den Fürsten des Geblüts / so weren wir von jhn  
vnd von dem volck geehret / vnd hetten nicht bedorfft die mühe  
vnd arbeit erleiden / die wir wegen verlauffener vnuhuhe aufge-  
standen haben / die doch nur zu Frankreiches untergang vnd  
verderben gereichten.

Für allen dingen / Gnedigster Herr / wo Gott gefellig wirde  
sein euch gegen ewern feindenglücklichen fortgang zuverleihet /  
vnd jhr also Frankreich werdet zu ruhe gesetzt haben ; so lange  
mein bitt / wollet den Frieden in ewern Königreich handhaben /  
vnd ewerm volck die sovil steyr vnd schatzungen abnemmen :  
erhalter die Fürsten des Geblüts / mit sampt andern Stenden /  
in ewern schutz : beschirmet das Rechte / hebet diemischbreuch so  
darinnen seind auff / sezet gute ordnungen nach Gottes befahl /

vnd

vnd verschaffet das die gehalten werden.

Dieser wrg. Gnedigster Herr / bedurket mich Gottes gebot  
ten gemeh sein / dienend zu erhaltung ewers Standes / vnd das  
ewere vnderthanen in aller freundlicher zuver sicht auff euch  
schauwen / mit recht vnderthener gehorsame / wie sichs getre-  
wen Frankosen gegen jhrem König zuthun gebüret.

Vnd dich hab ich euch wollen erinnern / Bitte  
hiermit Gott / das er euch bey gutem frie-  
den hand habe / vñ ein glückseliges  
leben mit gesundheit vers-  
leihe / Amen.

